

Inatsisartuni aalajangiiffigisassaattut siunnersuut Naalakkersuisut kingusinnerpaamik 2017-imi aningaasaateqarfimmik 4 mio tikillugit aningaasaateqartumik pilersitsinissamik saqqummiussissasut, aningaasaateqarfiup aningaasalersussallugu angajoqqaat kisermaat 180.000 koruunilluunniit ataallugit meeraasa nunatsinni nunattalu avataani angalasarnissaat.

(Inatsisartuni ilaasortaq Mimi Karlsen, Inuit Ataqatigiit)

Akissuteqaat

(Isumaginninnermut Ilaqutariinnermut Naligiisitaanermut Inatsisinillu atortitsinnermut Naalakkersuisoq)

Aappassaaneerinnineq

Ataatsimiititaliap siunnersuummik sukumiisumik suliarinninnerannut Naalakkersuisut qujassutigiumavaat.

Naalakkersuisut isumaliutissiissut tusaatissatut tiguaat, maluginiarlugulu ataatsimiititaliami amerlanerussuteqartut aammalu ikinnerussuteqartut suliami tunaartarinqartut eqqumaffigineqarnissaat kissaatigigaat.

Meeqqat alapernaatsuunissaanik kaammattortuarnissaasa meeqqallu misigisasaqartittuarnissaasa pingaartuunerat Naalakkersuisut isumaqatigaat, tamakkumi aqutugalugu inuttut ineriartoqqissinnaasarmata.

Naalakkersuisunit pilersaarutigineqarpoq isumaginninnikkut aqqiissusseqqinnissat UKA2018-imi saqqummiunneqarumaartoq.

Aaqqiissusseqqinnissani Naalakkersuisut suliassaasa ilagissavaat pisortanit ikioorsiissutit meeqqanullu tapit aqqiissuussiveqqinneqarnissaat, tamatumani qanoq iliornikkut innuttaasut ikioorsiissutinik pisartagaqartut akornani sapinngisamik amerlanerpaat suliffeqarfinnut piaarnerusumik sulilerseqqinneqarnissaanik kaammattuinnissani tunaartalersuinissat, ilaqutariillu suliassaqarfimmi pineqartut inuuniarnermikkut taamaasillutik naammaginartunik atugassaqartinneqarnissaasa qulakkeerneqarnissaat, aammalu ulluinnarni aningaasat nammineq atorsinnaasat amerlineqarnissaat, tamatumani ilanngullugu angalanissamut periarfissaqalernissat.

Naalakkersuisut taama oqaaseqarlutik inatsisissatut siunnersuut itigartitsissutigineqarnissaa innersuussutigissavaat.